



Broj: 12/08-23-9670-5/22
Zenica, 24.08.2022.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-9670-4/22, od 22.08.2022. godine, u otvorenom postupku javne nabavke za radove broj: 1417-1-3-45-3-36/22 od 22.06.2022. godine, Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „**Modernizacija dijela ceste kroz vikend naselje Ponijeri na regionalnoj cesti R-466 Kakanj-Kraljeva Sutjeska-Ponijeri**” broj: 1417-1-3-48-3-35/22 od 22.06.2022. godine, ponuda ponuđača MG V GRADNJA d.o.o. Zavidovići (broj 55/22 od 26.07.2022. godine) sa ukupno ponuđenom cijenom od 1.202.746,00 KM (bez uračunatog PDV-a) izabrana je kao najpovoljnija.

II

Ponuđač MG V GRADNJA d.o.o. Zavidovići (ID broj: 4218484410003, adresa Tvornička bb, 72220 Zavidovići) dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača. Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

III

Ponuda ponuđača „TRGOŠPED“ d.o.o. Kakanj se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-9670/22 od 15.06.2022. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14). Obavještenje o nabavci broj: 1417-1-3-45-3-36/22 objavljeno je na Portalu javnih nabavki 22.06.2022. godine.

Komisija za javne nabavke imenovana rješenjem broj: 12/08-23-9670-2/22 od 25.07.2022. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristigle su 4 (četiri) ponude.

U periodu od 26.07.2022. godine do 16.08.2022. godine Komisija je pregledala dostavljene ponude u skladu

sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača TRGOŠPED d.o.o. Kakanj se odbacuje jer nije potpuna i ne ispunjava zahtjeve iz tenderske dokumentacije, a u smislu da ponuđač nije upisao jediničnu cijenu za svaku pojedinu stavku predmjera radova.

Naime, tačkom 19.1. Tenderske dokumentacije propisano je da „Ponuđač treba popuniti obrazac za dostavljanje ponude i obrazac za cijenu ponude (predmjer radova), koji se nalazi u prilogu ove tenderske dokumentacije, uz naznaku radova koji će biti izvršeni, njihov obim i cijenu. Ponuđač je dužan ponuditi jediničnu cijenu za svaku pojedinu stavku predmjera radova“.

Ponuđač TRGOŠPED d.o.o. Kakanj je u svojoj ponudi dostavio Obrazac za cijenu ponude, a u kojem na strani 8. za stavku broj 4. „Rušenje i uklanjanje propusta od cijevi promjera 50 do 60cm (propusti na reg.cesti)“ nije ponudio jediničnu cijenu, odnosno nije postupio u skladu sa tačkom 19.1. Tenderske dokumentacije.

Imajući u vidu navedeno, kao i odredbe člana 68. stav (1) i stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda ponuđača TRGOŠPED d.o.o. Kakanj se odbacuje, jer nije potpuna i ne ispunjava zahtjeve iz tenderske dokumentacije.

Preostale pristigle ponude, Grupe ponuđača koju čine MUŠINBEGOVIĆ GRADNJA d.o.o. Visoko i CESTE-COMPANY d.o.o. Kiseljak, te ponuđača MG V GRADNJA d.o.o. Zavidovići i JATA GROUP d.o.o. Srebrenik, ispunjavaju postavljene uslove, te je za 19.08.2022. godine zakazano provođenje e-aukcije, sa početkom u 14:45 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponuđač	Ukupna cijena ponude bez PDV-a
1.	MGV GRADNJA d.o.o. Zavidovići	1.202.746,00 KM
2.	Grupa ponuđača MUŠINBEGOVIĆ GRADNJA d.o.o. Visoko i CESTE-COMPANY d.o.o. Kiseljak	1.203.950,00 KM
3.	JATA GROUP d.o.o. Srebrenik	1.274.292,25 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača MG V GRADNJA d.o.o. Zavidovići.

Ugovorni organ prihvatio je preporuku Komisije za javne nabavke da se najpovoljnijem ponuđaču **MGV GRADNJA d.o.o. Zavidovići** dodijeli Okvirni sporazum za radove „Modernizacija dijela ceste kroz vikend naselje Ponijeri na regionalnoj cesti R-466 Kakanj-Kraljeva Sutjeska-Ponijeri“.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda

Dostavljeno:

4 x svim ponuđačima,

1 x a/a

Obradio:

Elmedin Bašić



(Rasim Kovač)

Saglasan: ARNEL ISAK, ministar

